



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՐՄԱՎԻՐԻ ՄԱՐԶԻ ՄԵԾԱՄՈՐ
ՀԱՄԱՅՆՔԻ ՂԵԿԱՎԱՐ**

Հայաստանի Հանրապետության Արմավիրի մարզի Մեծամոր համայնք
ք.Մեծամոր, 060656505 info@mecamor.am

Ո Ր Ո Շ ՈՒ Մ

20 փետրվարի 2025 թվականի N 473-Ա

**ՄԱՍՆԱԿՑԻՆ ԳՆՈՒՄՆԵՐԻ ԳՈՐԾՆԹԱՑԻՆ ՄԱՍՆԱԿՑԵԼՈՒ ԻՐԱՎՈՒՆՔ
ՉՈՒՆԵՑՈՂ ՄԱՍՆԱԿԻՑՆԵՐԻ ՑՈՒՑԱԿՈՒՄ ՆԵՐԱՌԵԼՈՒ ՄԱՍԻՆ**

Ղեկավարվելով «Տեղական հնքնակառավարման մասին» Հայաստանի Հանրապետության օրենքի 35-րդ հոդվածի 1-ին մասի 24-րդ կետով, «Գնումների մասին» ՀՀ օրենքի (այսուհետ՝ Օրենք) 6-րդ հոդվածի 2-րդ մասով սահմանված պահանջների համաձայն, ուսումնասիրելով ՀՀԱՄՄՀ-ԷԱՃԱՊՁԲ-24/161 ծածկագրով գնման ընթացակարգի (այսուհետ՝ Ընթացակարգ) գնահատող հանձնաժողովի նախագահի կողմից 2025 թվականի փետրվարի 19-ի զեկուցագրով «ԲԻԳ ՄԱՐԿԵՏ» ՍՊԸ-ին (այսուհետ նաև՝ Մասնակից) գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով ներկայացված հիմքերը, պարզեցի հետևյալը.

1. Գնահատող հանձնաժողովի նախագահի ներկայացրած փաստերը և պահանջը.

Գնահատող հանձնաժողովի նախագահը Մեծամոր համայնքի ղեկավարին (այսուհետ՝ Պատվիրատուի ղեկավար) ուղղված 2025 թվականի փետրվարի 19-ի զեկուցագրով հայտնել է հետևյալը.

Մեծամորի համայնքապետարանի կարիքների համար տնտեսական ապրանքների ձեռքբերման Ընթացակարգի շրջանակներում, 21-րդ չափաբաժնի մասով, որպես ընտրված (հաղթող) մասնակից է ճանաչվել «ԲԻԳ ՄԱՐԿԵՏ» ՍՊԸ-ն (ՀՎՀՀ՝ 01070369, գործունեության հասցե՝ ՀՀ, ք.Երևան, Դավիթ Անհաղթի փ. 11/6, հեռ.՝ +374 41 311251, էլ-հասցե՝ tenderbigmarket@gmail.com):

Մեծամորի համայնքապետարանի կողմից գնահատող հանձնաժողովի (այսուհետ՝ Հանձնաժողով) հայտերի բացման և գնահատման արդյունքների և պայմանագիր կնքելու որոշման մասին հայտարարության հրապարակմանը հաջորդող 4-րդ աշխատանքային օրը՝ 03.02.2025թ-ին, «ԲԻԳ ՄԱՐԿԵՏ» ՍՊԸ-ին՝ eAuction համակարգի միջոցով ծանուցվել է պայմանագիր կնքելու առաջարկը և պայմանագրի նախագիծը:

Հանձնաժողովը 2025 թվականի փետրվարի 18-ին արձանագրել է, որ «ԲԻԳ ՄԱՐԿԵՏ» ՍՊԸ-ն սահմանված կարգով և ժամկետում՝ ոչ ուշ քան 10.02.2025 թվականը ներառյալ, eAuction համակարգում չի կցել իր կողմից հաստատված պայմանագիրը:

Հիմք ընդունելով վերոգրյալը՝ 2025 թվականի փետրվարի 18-ին Հանձնաժողովը «ԲԻԳ ՄԱՐԿԵՏ» ՍՊԸ-ի հայտը մերժել է և Օրենքի 6-րդ հոդվածի 2-րդ կետով սահմանված պահանջները կիրառելու նպատակով «ԲԻԳ ՄԱՐԿԵՏ» ՍՊԸ-ի հայտը մերժելու վերաբերյալ տեղեկատվությունը որոշել է ներկայացնել Մեծամոր համայնքի ղեկավարին:

Հաշվի առնելով վերոգրյալը և հիմք ընդունելով Օրենքի 6-րդ հոդվածի 2-րդ մասով սահմանված պահանջները՝ Հանձնաժողովի նախագահի կողմից առաջարկվել է «ԲԻԳ ՄԱՐԿԵՏ» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով կայացնել պատճառաբանված որոշում և հիշյալ որոշումը գրավոր ուղարկել ՀՀ ֆինանսների նախարարություն՝ «ԲԻԳ ՄԱՐԿԵՏ» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով:

2. Գործի քննության համար էական նշանակություն ունեցող փաստերը.

Ընթացակարգի քննության համար էական նշանակություն ունեն հետևյալ փաստերը.

1. Ընթացակարգի շրջանակներում 21-րդ չափաբաժնի մասով որպես ընտրված (հաղթող) մասնակից է ճանաչվել «ԲԻԳ ՄԱՐԿԵՏ» ՍՊԸ-ն:

2. Հանձնաժողովի՝ հայտերի բացման և գնահատման արդյունքների և պայմանագիր կնքելու որոշման մասին հայտարարության հրապարակմանը հաջորդող 4-րդ աշխատանքային օրը՝ 03.02.2025թ-ին, «ԲԻԳ ՄԱՐԿԵՏ» ՍՊԸ-ին՝ eAuction համակարգի միջոցով ծանուցվել է պայմանագիր կնքելու առաջարկը և պայմանագրի նախագիծը:

3. Հանձնաժողովը՝ 2025թ-ի փետրվարի 18-ին արձանագրել է, որ «ԲԻԳ ՄԱՐԿԵՏ» ՍՊԸ-ն սահմանված կարգով և ժամկետում՝ ոչ ուշ քան 10.02.2025թ-ը ներառյալ, eAuction համակարգում չի կցել իր կողմից հաստատված պայմանագիրը:

4. 2025 թվականի փետրվարի 18-ին Հանձնաժողովը «ԲԻԳ ՄԱՐԿԵՏ» ՍՊԸ-ի հայտը 21-րդ չափաբաժնի մասով մերժել է և Օրենքի 6-րդ հոդվածի 2-րդ կետով սահմանված պահանջները կիրառելու նպատակով «ԲԻԳ ՄԱՐԿԵՏ» ՍՊԸ-ի հայտը մերժելու վերաբերյալ տեղեկատվությունը որոշել է ներկայացնել Մեծամոր համայնքի ղեկավարին:

3. Պատվիրատուի ղեկավարի հիմնավորումները և եզրահանգումը.

Պատվիրատուի ղեկավար՝ Մեծամոր համայնքի ղեկավար Վ. Խաչատրյանս, ուսումնասիրելով Գնահատող հանձնաժողովի նախագահի կողմից 2025 թվականի փետրվարի 19-ին ներկայացված զեկուցագիրը և կից փաստաթղթերը, հայտնում եմ հետևյալը.

Օրենքի 6-րդ հոդվածի 1-ին մասի 6-րդ կետի համաձայն Մասնակիցն ընդգրկվում է գնումների գործընթացին մասնակցելու իրավունք չունեցող մասնակիցների ցուցակում, եթե՝

ա. խախտել է պայմանագրով նախատեսված կամ գնման գործընթացի շրջանակում ստանձնած պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը կամ գնման գործընթացին տվյալ մասնակցի հետագա մասնակցության դադարեցմանը և մասնակիցը հրավերով և (կամ) պայմանագրով սահմանված ժամկետում չի վճարել հայտի, պայմանագրի և (կամ) որակավորման ապահովման գումարը,

բ. որպես ընտրված մասնակից հրաժարվել կամ զրկվել է պայմանագիր կնքելու իրավունքից:

Օրենքի 36-րդ հոդվածի 3-րդ մասի համաձայն եթե ընտրված մասնակիցը պայմանագիր կնքելու մասին ծանուցումը և պայմանագրի նախագիծն ստանալուց հետո Օրենքի 35-րդ հոդվածի 1-ին մասով նախատեսված ժամկետում (այն է. «Պայմանագրի և (կամ) որակավորման ապահովում ներկայացնելու պահանջի հիման վրա այն ստանալու օրվանից հետո՝ հինգ աշխատանքային օրվա ընթացքում, ընտրված մասնակիցը պարտավոր է ներկայացնել ապահովումը: Եթե ապահովումը ներկայացվում է բանկային երաշխիքի ձևով, ապա սույն կետով նախատեսված ժամկետը սահմանվում է 10 աշխատանքային օր: Ընտրված մասնակցի հետ պայմանագիր կնքվում է, եթե վերջինս ներկայացնում է պայմանագրի և (կամ) որակավորման ապահովումը») չի ստորագրում պայմանագիրը կամ պատվիրատուին չի ներկայացնում պայմանագրի և (կամ) որակավորման ապահովումը, իսկ կնքվելիք պայմանագրով կանխավճար նախատեսված լինելու դեպքում՝ նաև կանխավճարի ապահովումը, ապա նա զրկվում է պայմանագիրն ստորագրելու իրավունքից:

Օրենքի 6-րդ հոդվածի 2-րդ մասի համաձայն Գնումների գործընթացին մասնակցելու իրավունք չունեցող մասնակիցների ցուցակը, այդ թվում՝ ռուսերեն, վարում և հրապարակում է լիազորված մարմինը: Լիազորված մարմինը մասնակցին ներառում է գնումների գործընթացին մասնակցելու իրավունք չունեցող մասնակիցների ցուցակում պատվիրատուի ղեկավարի պատճառաբանված որոշման հիման վրա: Սույն մասում նշված որոշումը պատվիրատուի ղեկավարը կայացնում է գնման ընթացակարգը չկայացած հայտարարվելու կամ կնքված պայմանագրի վերաբերյալ հայտարարությունը հրապարակելու կամ պայմանագիրը միակողմանի լուծելու մասին հայտարարությունը հրապարակելու օրվան հաջորդող տասն օրվա ընթացքում: Որոշումը կայացվելուն հաջորդող օրը այն տրամադրվում է լիազորված մարմնին և մասնակցին: Լիազորված մարմինը մասնակցին ներառում է գնումների գործընթացին մասնակցելու իրավունք չունեցող մասնակիցների ցուցակում որոշումն ստանալուն հաջորդող քառասուներորդ օրվան հաջորդող հինգ օրվա ընթացքում, իսկ որոշումն ստանալուն հաջորդող քառասուներորդ օրվա դրությամբ մասնակցի կողմից որոշման բողոքարկման վերաբերյալ հարուցված և չավարտված դատական գործի առկայության դեպքում՝ տվյալ դատական գործով եզրափակիչ դատական ակտն ուժի մեջ մտնելու օրվան հաջորդող հինգ օրվա ընթացքում, եթե դատական քննության արդյունքով որոշման կատարման հնարավորությունը չի վերացել: Մասնակիցը նշված ցուցակում ընդգրկվում է ներառվելու օրվան հաջորդող օրվանից երկու տարի ժամկետով:

Այսպիսով՝

• Ընթացակարգի շրջանակներում, 21-րդ չափաբաժնի մասով, որպես ընտրված (հաղթող) մասնակից է ճանաչվել «ԲԻԳ ՄԱՐԿԵՏ» ՍՊԸ-ն:

• Մեծամորի համայնքապետարանի կողմից Հանձնաժողովի հայտերի բացման և գնահատման արդյունքների և պայմանագիր կնքելու որոշման մասին

հայտարարության հրապարակմանը հաջորդող 4-րդ աշխատանքային օրը՝ 03.02.2025թ-ին, «ԲԻԳ ՄԱՐԿԵՏ» ՍՊԸ-ին՝ eAuction համակարգի միջոցով ծանուցվել է պայմանագիր կնքելու առաջարկը:

Հանձնաժողովը 2025թ-ի փետրվարի 18-ին արձանագրել է, որ «ԲԻԳ ՄԱՐԿԵՏ» ՍՊԸ-ն սահմանված կարգով և ժամկետում՝ ոչ ուշ քան 10.02.2025թ-ը ներառյալ, eAuction համակարգում չի կցել իր կողմից հաստատված պայմանագիրը:

Գնահատող հանձնաժողովը որոշել է «ԲԻԳ ՄԱՐԿԵՏ» ՍՊԸ-ի հայտը գնահատել անբավարար և մերժել:

Ուսումնասիրելով հիմքերը, դրանք համադրելով առկա ապացույցների հետ՝ արձանագրում եմ, որ Մասնակիցը թույլ է տվել Օրենքի 6-րդ հոդվածի 1-ին մասի 6-րդ կետի «բ» ենթակետի խախտում, քանի որ որպես ընտրված մասնակից հրաժարվել կամ զրկվել է պայմանագիր կնքելու իրավունքից:

Օրենքի 6-րդ հոդվածի 2-րդ մասի համաձայն ՀՀ ֆինանսների նախարարությունը մասնակցին ներառում է գնումների գործընթացին մասնակցելու իրավունք չունեցող մասնակիցների ցուցակում Պատվիրատուի ղեկավարի պատճառաբանված որոշման հիման վրա:

Օրենքի 6-րդ հոդվածի 2-րդ մասի համաձայն մասնակիցը գնումների գործընթացին մասնակցելու իրավունք չունեցող մասնակիցների ցուցակում ընդգրկվում է ներառվելու օրվան հաջորդող օրվանից երկու տարի ժամկետով:



Ելնելով վերոգրյալից և ղեկավարվելով Օրենքի 6-րդ հոդվածի 2-րդ մասով՝

ՈՐՈՇՈՒՄ ԵՄ

1. Գնահատող հանձնաժողովի նախագահի կողմից ներկայացրած հիմքերը՝ «ԲԻԳ ՄԱՐԿԵՏ» ՍՊԸ-ին գնումների գործընթացին մասնակցելու իրավունք չունեցողների ցուցակում ներառելու համար, գնահատել բավարար:
2. «ԲԻԳ ՄԱՐԿԵՏ» ՍՊԸ-ի ներքոնշյալ տվյալները համապատասխան հիմքերով գրավոր ուղարկել լիազորված մարմնին՝ ՀՀ ֆինանսների նախարարությանը, «ԲԻԳ ՄԱՐԿԵՏ» ՍՊԸ-ին գնումների գործընթացին մասնակցելու իրավունք չունեցող մասնակիցների ցուցակում ներառելու նպատակով.
3. Սույն որոշումն ուժի մեջ է մտնում ընդունման պահից:

ՀԱՄԱՅՆՔԻ ՂԵԿԱՎԱՐ՝

2025 թվականի ՓԵՏՐՎԱՐԻ 20
ք.Մեծամոր



Վ. ԽԱՉԱՏՐՅԱՆ

ՑՈՒՑԱԿ

Անվանումը	ՀՀՀ/Ֆիզ. անձի դեպքում հանրային ծառայության համարանիշը	գործունեության հասցեն	Մասնակցի գնումների գործընթացին մասնակցելու պայմաններին չբավարարելու իրավական հիմքը			ցուցակում ներառելու մասին պատվիրատուի ղեկավարի կայացրած որոշման ամսաթիվը և գնման ընթացակարգի ծածկագիրը
			խախտել է գնման գործընթացի շրջանակում ստանձնած պարտավորությունը, որը հանգեցրել է գնման գործընթացին տվյալ մասնակցի հետագա մասնակցության դադարեցմանը	խախտել է պայմանագրով նախատեսված պարտավորությունը, որը հանգեցրել է պատվիրատուի կողմից պայմանագրի միակողմանի լուծմանը	որպես ընտրված մասնակից հրաժարվել կամ գրկվել է պայմանագիր կնքելու իրավունքից	
«ԲԻԳ ՄԱՐԿԵՏ» ՍՊԸ	01070369	ՀՀ, ք.Երևան, Դավիթ Անհաղթի փ. 11/6; +374 41 311251			X	20.02.2025թ. ՀՀԱՄՀ-ԷԱՃԱ.ՊՁԲ-24/161

Աշխատակազմի քարտուղար՝



Մ. Հովհաննիսյան